



Universitätsbibliothek Paderborn

Asiaticae Historiae Societatis Iesv Pars ...

Libris Qvatvor Comprehensa: Vbi praeter res gestas à Patribus Societatis Iesv in conuersione Sinarum, Cocincinae, & Tunchini Regnorum nihil omittitur eorum, quae possunt liberali placere Lectorum curiositati

Bartoli, Daniello

Lvgdvni, 1670

73. Tres sectae apud Sinas.

urn:nbn:de:hbz:466:1-10757

nominandam Deum adhiberet, ut eorum maiores quorum etiamtum venerabilis erat memoria, quod norant in orbe vniuerso excellentissimum Scianti vocarant, & tanquam supremum, supremo honore coluerant. Tandem verba ex quibus Longobardus Scianti dictionem putat se merito damnare, longe alio sensu, Patres qui secus iudicant, & Mandarini Christiani accipiunt; negantque inter Sinas vñquam extitisse, qui ex Scianti nomencleatione Deo attributa somniariat, Christianos & Sinas vna eademque lege colligatos, quod se Longobardus à multis audisse iactitabat.] Hæc suis literis P. Diaz. Nec reor pluribus confirmandum quod proposueram, Sinas principio, veri Dei cultores extitisse, sed procedentibus seculis cultum illum prout à primo suo ortu longius abscedebat, sic deterius habuisse, & in novam semper degenerasse superstitionem, quam Patres purgare adlaborant: in quo mihi video abundè probasse, quām non levidensè, nec vna defungendi causa, sed sollicitè multumque sapienter ministerium Euangelicum implerint, nec illa egeant censura quam iis optarunt hæretici, tam male quam sponte creduli spectandis in transuersum quæcumque à nobis geruntur, de quo ex Batauis dum hæc scribo, liber quidam in manus meas venit; nam si quæ culpa nostrorum illic fuit, diligentia potius nimia, & severioris accusationis, quām temeritatis, aut negligentiæ, fuisse culpam, ex iis quæ retuli, nimis liqueat.

Nunc ad ritus Sinarum sacros quod attingit, omnis eorum religio secta tripli continetur; fanis enim aliquot ratis, & Proseuchis vagi non veniunt in hunc numerum Saraceni & Hebræi: tres illas familias regnantis fundator probauit, ne si aliquam illarum proscripteret, occasiones tumultibus, & rebus nouandis in suo imperio præberet, ergo omnes de se susque posteris regibus perpetua lege securas esse iussit; certè quidem eo propensiùs quod quanquam inter se instituto, ac finibus diuersa planèque contraria, quicquid tamen potest beatitatis operati ab omnibus, de eo sibi singulæ applaudant, sibi que id certò spondeant, ex quo illarum inter se summa pax, & ea ex parte regni quies. Prima enim sectarum honori potissimum studet, & ad prædictas tota contentione ingenij ac prudentiae grassatur, tota proinde colendo & perficiendo animo ab incenabiliis ad decrepitum senium incumbens. Altera huic planè opposita, & multum de quadrupede sapiens, effrenibus studiis, sensuum sectatur volupates, & hac asinorum beatitudine contenta, mentein, & ingenium floeci habet. Tertia priori similior, secundæ aduersa, corpus arterit labore spontaneo, penitusque vitroneis, ut cordis munditiem assequatur; Majorum statura ne quia parte Rex videatur infringere harum rejicit nullam; omnes vel profitetur, vel simulat. Prima Tuchiao nomine reliquis duabus magno spatio antecellit, haberque illas pro famulis, atque adiuitit Matthæns Riccius Literatorum magis Academia est quām secta, & religio Ethnicorum,

73.
Tres sectæ
apudinas.

L 2

templis earet, simulachris, & Sacerdotibus, nec sacrificia, nec ritus habet nisi ciuiles, politici cultus, & promiscue omnibus obiti permis-
tos, vt qui nihil factum contineant. Esto enim paucorum vel impietas
vel ignorantia nonnulla eos superstitione fœdauerit, sed haec Sapientum
iudicio damnata est, & ludibrio habita, vt propterea nihil vetet
quo minus possint generatum Literatorum ritus ciuiles appellari, &
ex prima sui institutione innocentia, & pura à Christianis usurpati.
Porro hanc Literatorum vel Academiam vel sectam, qui Atheorum di-
cunt, meo iudicio perperam longe à vero sentiunt, cum Monar-
cham illum supremum, & ecclie dominum semper ab sui exordio adorarit,
offerendumque illi sacrificium, propter excellentiam maiestatis,
non putarit posse conuenientius alteri, quā Regi committi: ve-
nerationem vero præsidum geniorum, qui partes orbis quatuor, anni-
que moderantur, & similium, tanto superioris ordinis, quanto latio-
ris imperij, hanc amplioribus Magistratibus assignat; minoribus autem
custodes urbium, montium, & aquarum colendos attribuit, sed in
veteres ritus tam multa nunc irreputant improba, vt iis antiqua præfo-
cetur illorum integritas. Facit huc Priscorum apud Sinas Theologo-
rum stylus, ij cultu publico afficiendos spiritus populo repræsentaturi,
formis abstinebant corporeis, quod intelligerent mentes illas ab omni
concretione materiae esse alienas, ergo in piëtis elegantissimè tabulis,
eorum nomen aureo scribebant charactere, illasque in templis, & au-
lis, adeuntum veneratiōnē exponebant: subtilitatem hanc aurorum,
cepit nepotum religio crassior; eosdem genios penicillo & scalpro
humana effigie expresserunt (saluo vt etiam apud nos sit, veri iudicio)
& mutuo sumpta ex sensibus ad subiectandas animo rerum imagines,
discriminante ab iis quae sunt naturæ spirituum propria; quare Lite-
ratorum secta ex originis sua documentis primatis absit ab Athiæ
impietate longissime. Verum enim vero senectuti resum offundit ca-
liginem ipsa seculorum longinquitas, nec minus animi quā corporis
luminibus ætas nimia officit; accessere ad hanc cæcitatem magisteria
errorum plura etiam quam sectarum, vel nata inter Sinas, vel purga-
ta peregrinitate ab iis adscita, hinc ille quondam tam illustris, & ful-
gens Veri summi splendor, purarum mentum & Dei notitia in eam
sensim degenerauit obscuritatem, & tenebras, vt certaretur utrumque
an esset spiritus, & an esset Deus? verique inueniendi projecta spe,
statueretur saltē in eo standum in quo minus foret errandi pericu-
lum, hoc est premendum silentio hunc nodum, nec inquirendum de
cætero an esset Deus? quo item silentio quæstionem illam sepultam
voluerant tanquam nullo disputationum extricabilem nisi, an esset ab
æterno mundus? an certo tempore conditus; superuenit his spuria
quam dixi natio interpretantium de materia & principiis naturæ quæ
antiqui Sinatum Magistri de Deo & Angelis scriperant, quos esse quidem
minimè negabant, sed scriptorum illorum conceptis sententiis
nequaquam

^{74.}
Veri Dei no-
titia sensim
deflux.